

**«ASIA ALLIANCE BANK» ATB  
Акциядорларнинг умумий йиғилиши  
баённомасига  
10-илова**

**«ASIA ALLIANCE BANK» АТБ  
Акциядорларнинг умумий йиғилишининг  
11 июль 2022 йилдаги АС-1/2022 сонли  
карори билан  
ТАСДИҚЛАНГАН**

**«ASIA ALLIANCE BANK»  
АКЦИЯДОРЛИК ТИЖОРАТ БАНКИ  
АКЦИЯДОРЛАРНИНГ УМУМИЙ ЙИҒИЛИШИ  
ТҮГРИСИДАГИ  
НИЗОМ**

**янги таҳрирда**

Тошкент - 2022 йил

## **I. УМУМИЙ ЙИҒИЛИШ**

1. «ASIA ALLIANCE BANK» АТБ акциядорларнинг умумий йиғилиши тўғрисидаги мазкур Низом (кейинги ўринларда Низом деб юритилади) Ўзбекистон Республикасининг «Акциядорлик жамиятлари ва акциядорларнинг хуқукларини ҳимоя қилиш тўғрисида»ги Қонуни (кейинги ўринларда Қонун деб юритилади), Ўзбекистон Республикасининг бошқа норматив-хуқуқий ҳужжатлари, ва «ASIA ALLIANCE BANK» акциядорлик тижорат банки уставига мувофиқ ишлаб чиқилган.

2. Низом Банк акциядорларнинг умумий йиғилишининг мақоми ва ваколатларини, шунингдек, акциядорлар умумий йиғилишини ўтказиш ва унда қарорлар қабул қилиш тартибини белгилаб беради.

3. Акциядорларнинг умумий йиғилиши Банкнинг олий бошқарув органи ҳисобланади, Банк фаолиятининг асосий масалалари бўйича қарорлар қабул қиласди ва акциядорларни Банкни бошқаришда иштирок этишининг асосий усули ҳисобланади.

4. Банк ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

5. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Банк Кузатув кенгаши / акциядорларнинг умумий йиғилишини чақиришига ҳақли шахслар томонидан белгиланади.

6. Агар Банкнинг барча оддий акциялари битта акциядорга тегишли бўлса, акциядорларнинг умумий йиғилиши ўтказилмайди. Акциядорларнинг умумий йиғилиши ваколатига киритилган масалалар бўйича қарорлар бундай акциядор томонидан якка тартибда қабул қилинади ҳамда ёзма шаклда расмийлаштирилиши керак, жамиятнинг имтиёзли акциялари Қонунга мувофиқ овоз бериш хуқуқини олиши ҳоллари бундан мустасно. Бунда акциядорлар умумий йиғилишига тайёргарлик кўриш, уни чақириш ва ўтказиш тартибини ҳамда муддатларини белгиловчи қоидалари кўлланилмайди, акциядорларнинг йиллик умумий йиғилишини ўтказиш муддатларига таалкуқли қоидалар бундан мустасно.

## **II. АКЦИЯДОРЛАРНИНГ УМУМИЙ ЙИҒИЛИШИ ВАКОЛАТИ ВА ҚАРОРЛАРНИ ҚАБУЛ ҚИЛИШ**

7. Акциядорлар умумий йиғилишининг ваколат доирасига куйидагилар киради:

1) Банк уставига ўзгартиш ва қўшимчалар киритиш ёки Банкнинг янги таҳрирдаги уставини тасдиқлаш, Банк Кузатув кенгаши тарафидан Банк устав капиталининг оширилиши ва эълон қилинган акциялар сонини камайтирилиши билан боғлиқ Банк уставига киритиладиган ўзгартериш ва қўшимчалар бундан мустасно;

- 2) Банкни қайта ташкил этиш;
- 3) Банкни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;
- 4) Банк Кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- 5) эълон қилинган акцияларнинг энг кўп миқдорини белгилаш;
- 6) Банкнинг устав капиталини камайтириш;
- 7) ўз акцияларини олиш;
- 8) Банкнинг ташкилий тузилмасини тасдиқлаш;
- 9) Бошқарув раисини сайлаш (тайинлаш) ва унинг ваколатларини муддатидан илгари тугатиш.

Бунда Банк Бошқарув раиси билан тузилган шартнома қўйидаги асосларга кўра Банк Кузатув кенгаши томонидан муддатидан илгари тугатилиши (бекор қилиниши) мумкин:

- Банк Бошқарув раиси томонидан берилган аризага асосан;
- Банк Бошқарув раиси Банк уставини қўпол тарзда бузган тақдирда;
- Банк Бошқарув раиси ҳаракатлари (ҳаракатсизлиги) туфайли Банкга зарар етказилган бўлса;
- Банк Бошқарув раиси билан тузилган шартнома шартларини бузган тақдирда.

10) Банкнинг йиллик ҳисботини ва йиллик бизнес-режасини, шунингдек Банк фаолиятининг асосий йўналишлари ва мақсадидан келиб чиқсан ҳолда Банкни ўрта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш;

- 11) Банкнинг фойдаси ва зарарларини тақсимлаш;
- 12) Банк Кузатув кенгашининг ўз ваколат доирасига кирадиган масалалар юзасидан, шу жумладан Банкни бошқаришга доир қонун хужжатларида белгиланган талабларга риоя этилиши юзасидан Банк Кузатув кенгашининг ҳисботларини эшитиш;
- 13) мажбурий аудит текширув ўтказиш учун аудит ташкилотни аниқлаш, унинг хизматлари учун энг юқори тўлов миқдорини белгилаш, у билан шартнома тузиш (бекор қилиш) бўйича қарор қабул қилиш;

- 14) акциядорлар умумий йиғилишининг регламентини тасдиқлаш;
- 15) акцияларни майдалаш ва йириклаштириш;
- 16) Банк бошқарувига тўланадиган ҳақ ва (ёки) компенсацияларни, шунингдек уларнинг энг юқори микдорларини белгилаш;
- 17) Ўзбекистон Республикасининг «Акциядорлик жамиятлари ва акциядорларнинг хуқуқларини ҳимоя қилиш тўғрисида»ги Қонунининг 8 ва 9-бобларида назарда тутилган ҳолларда Банк томонидан битимлар тузиш тўғрисида қарор қабул қилиш;
- 18) Банкнинг жорий молявий фаолиятига алоқадор битимларни белгилаш;
- 19) хайрия (хомийлик ва беминнат) ёрдамнинг юқори микдорини белгилаш;
- 20) мустақил профессионал ташкилотлар – консультантларни жалб қилган ҳолда бизнес жараёнлари ва лойиҳаларининг Банкни ривожланиш мақсадларига мувофиқлиги тўғрисида ҳар йилги таҳлилни ўтказиш тўғрисида қарор қабул қилиш;
- 21) Банк ривожланиш стратегиясига етиш бўйича қабул қилинаётган чоралар тўғрисида ижро органи ва Кузатув кенгашиниг ҳисоботларини мунтазам тинглаш;
- 22) қонунчиликка мувофиқ бошқа масалаларни ҳал қилиш.

8. Акциядорларнинг умумий йиғилиши ваколатига киритилган масалалар ҳал қилиш учун Банк Кузатув кенгаши ва Бошқарувига берилиши мумкин эмас.

9. Мазкур Низомнинг 7 банднинг 1-3, 5, 12, 17 ва 18 кичик бандларида назарда тутилган масалалар бўйича қарорлар акциядорларнинг умумий йиғилишида иштирок этаётган, овоз берувчи акция эгалари ҳисобланган акциядорлар овозларининг тўртдан уч қисм кўпчилиги билан қабул қилинади.

10. Бошқа масалалар бўйича қарорлар акциядорларнинг умумий йиғилиши томонидан унда иштирок этаётган, овоз берувчи акцияларнинг эгалари бўлган акциядорларнинг оддий кўпчилик овози билан қабул қилинади.

11. Акциядорларнинг умумий йиғилишида овоз бериш «Банкнинг овоз берувчи битта акцияси – битта овоз» принципи бўйича амалга оширилади, Банк Кузатув кенгаши аъзоларини сайлаш бўйича кумулятив овоз беришни ўтказиш ҳоллари бундан мустасно.

Банк акциялари Ўзбекистон Республикасининг «Банклар ва банк фаолияти тўғрисида»ги Қонунининг 22 моддасининг биринчи ва тўртинчи қисмларида белгиланган талаблар бузилган ҳолда олинган тақдирда, акцияларнинг эгаси бундай битим тузилган кундан эътиборан

акциядорларнинг умумий йиғилишида овоз беришга, акциядорларнинг навбатдан ташқари умумий йиғилишини чақиришни ва ўтказишни талаб қилишга, кун тартибиға масалалар киритишга, Банк Кузатув кенгаши ва Бошқаруви аъзолигига номзодлар кўрсатишга ҳақли эмас.

12. Акциядорларнинг умумий йиғилишида кун тартиби масалалари бўйича овоз бериш овоз бериш бюллетенлари орқали амалга оширилади. Акциядор ёк уни вакилининг ёзма талаби бўйича Банк унга овоз бериш бюллетенининг тўлдирилган нусхасини тақдим этиши шарт. Бу ҳолда Банк ушбу хужжатни тақдим этгани учун бюллетен нусхасини тайёрлаш харажатларини ва хужжатларни почта орқали юборилиши билан боғлиқ харажатларидан ортиқ бўлмаган миқдорда ҳақ талаб қилишга ҳақли.

13. Овоз берилганида овоз берувчи қайси масала бўйича эҳтимол тутилган овоз бериш вариантларидан фақат биттасини қолдирган бўлса, ўша масала бўйича берилган овозлар ҳисобга олинади. Мазкур талабни бузган ҳолда тўлдирилган овоз бериш бюллетенлари ҳақиқий эмас деб топилади ва улардаги масалалар бўйича берилган овозлар ҳисобга олинмайди.

14. Акциядорларнинг умумий йиғилишида овозга қўйилган, ҳал қилиш чоғида Банкнинг оддий ва имтиёзли акциялари эгалари бўлган акциядорлар овоз бериш ҳуқуқига эга бўладиган масала юзасидан овозларни санаб чиқиш овоз берувчи акцияларнинг барчаси бўйича биргаликда амалга оширилади.

15. Агар овоз бериш бюллетенида овозга қўйилган бир нечта масала кўрсатилган бўлса, бир ёки бир нечта масалага нисбатан 13 бандда кўрсатилган талабга риоя этилмаганлиги бюллетеннинг умуман ҳақиқий эмас деб топилишига сабаб бўлмайди.

16. Акциядорларнинг умумий йиғилишида шахсан, жумладан, видеоконференцалоқа воситасида иштирок этиш имконига эга бўлмаган акциядор, акциядорларнинг умумий йиғилиши ўтказиладиган санагача 1 иш кунидан кечиктирмасдан Банк электрон манзилига ўзи тўлдириган ва унинг электрон рақамли имзоси билан тасдиқланган бюллетеннинг электрон нусхасини юборишга ҳақли. Бу ҳолда акциядор, акциядорларнинг умумий йиғилиши ўтказилишидан аввал уч ишчи кунидан кечиктирмасдан Банкка электрон-рақамли имзо воситасида овоз беришга ёзма сўров юбориши лозим.

Видеоконференцалоқа воситасида акциядорларнинг умумий йиғилишида иштирок этаётган акциядор, акциядорларнинг умумий йиғилиши якунлангандан сўнг 1 иш кунидан кечиктирмасдан ўзи тўлдириган ва унинг электрон рақамли имзоси билан тасдиқланган бюллетеннинг электрон нусхасини Банк электрон манзилига юбориши лозим.

Банк бюллетеннинг электрон нусхасидан фойдаланиши учун акциядор аввалдан қонунчиликда белгилangan талабларга мувофиқ электрон рақамли имзоси ҳақиқийлигини қонунчиликда белгилangan талабларга мувофиқ текширилиши имкониятини таъминлаши лозим, акс ҳолда, шунингдек,

бюллетенни топшириш муддатлари бузилганда бундай бюллетенлар бўйича овозлар хисобга олинмайди.

17. Банк акциядорлари, жумладан, миноритар акциядорлар, овоз беришда биргалиқдаги позицияни шакллантириш учун акциядорлик келишувини тузишга ҳақлидирлар.

18. Акциядорлик келишуви деб акциялар билан тасдиқланган хукуқларни амалга ошириш ва (ёки) акцияларга бўлган шундай хукуқларни амалга оширишнинг хусусиятлари тўғрисидаги шартнома тан олинади.

Акциядорлик келишуви унинг тарафлари акциялар билан тасдиқланган хукуқларни муайян тарзда амалга ошириш ва (ёки) шундай хукуқларни амалга оширишда бетараф қолиш (воз кечиши) мажбуриятини зиммасига оладилар.

19. Акциядорлик келишувини тузиш, бекор қилиш ва унинг шартларига риоя қилиш тартиби, шунингдек, бундай келишув бўйича тарафларнинг хукуклари, мажбуриятлари ва муносабатлари Ўзбекистон Республикаси қонунчилиги билан тартибга солинади.

### **III. АКЦИЯДОРЛАР ВА УЛАРНИНГ ВАКОЛАТЛИ ВАКИЛЛАРИНИ АКЦИЯДОРЛАРНИНГ УМУМИЙ ЙИҒИЛИШИДА ИШТИРОК ЭТИШ ҲУҚУҚИ ВА ТАРТИБИ**

20. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган Банк акциядорларининг реестрида қайд этилган акциядорлар эга бўлади.

21. Банк акциядорнинг талабига кўра акциядорга у акциядорларнинг умумий йиғилишини ўтказиш учун шакллантирилган Банк акциядорларининг реестрига киритилганлиги тўғрисида ахборот тақдим этиши шарт.

22. Банк акциядорларининг шакллантирилган реестрига ўзгартиш ва қўшимчалар фақат мазкур реестр шакллантирилган санада унга киритилмай қолган шахсларнинг бузилган хукуклари тикланганда ёки реестрни шакллантиришда йўл қўйилган хатолар тузатилганда қонунчиликда белгиланган тартибда киритилишига йўл қўйилади.

23. Акциядорларнинг умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядор акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

24. Акциядорларнинг умумий йиғилишида Банк акциядорларининг реестрига киритилган акциядорлар, уларнинг ваколатли вакилари, Банк аудиторлари, Кузатув кенгаш, Бошқарув аъзолари, шунингдек,

акциядорларнинг умумий йиғилишини чақиртириш тўғрисидаги қарорда кўрсатилган шахслар ҳақлидир.

25. Кузатув кенгаш ва Банк Бошқаруви раиси лавозимига номзодлар ўзларининг номзодлари кўриб чиқилаётганда акциядорларнинг умумий йиғилишида иштирок этишлари мумкин.

26. Умумий йиғилишда иштирок этиш учун акциядорлар ёки уларнинг ваколатли вакиллари йиғилиш ўтказилиши тўғрисидаги хабарномада кўрсатилган жой ва вактда рўйхатдан ўтишлари лозим.

27. Акциядорнинг, жумладан, акциядорлик келишувини тузган акциядорларнинг вакили акциядорларнинг умумий йиғилишида ишончнома асосида ҳаракат қиласи ва акциядорларнинг умумий йиғилишида кун тартибидаги масалалар бўйича акциядор(лар)нинг ў(лар)зи билан келишган ҳолда қатнашади ва овоз беради. Бунда кун тартибидаги масалалар бўйича овоз бериш тартибини акциядорнинг ўзи билан келишиш акциядорнинг вакили томонидан уларга қулай ихтиёрий шаклда амалга оширилади. Акциядор ва унинг вакили ўртасидаги муносабат, шу жумладан акциядорлар йиғилиши кун тартибидаги масалалар бўйича овоз бериш тартибини келишиш, Банкнинг иштирокисиз ва қонун хужжатлари асосида тартибга солинади.

28. Овоз бериш учун ишончномада ваколат берувчи ва вакил тўғрисида маълумотлар (исми ёки номи, истиқомат жойи ёки жойлашган жойи, паспорт маълумотлари) келтирилиши лозим.

29. Умумий йиғилишда иштирок этиш учун келган акциядорлар – жисмоний шахслар паспорт ёки акциядорнинг шахсини тасдиқловчи ўзга хужжат, вакил эса шунингдек, нотариал тасдиқланган ишончнома тақдим этилганда рўйхатга олинади.

30. Банк акциядори бўлган юридик шахснинг вакили – шу юридик шахснинг раҳбари умумий йиғилишда ўз ваколатларини лавозимга тайинлаш тўғрисидаги ҳукуқий хужжат ва шахс тасдиқловчи хужжат асосида амалга оширади.

31. Банк акциядори бўлган юридик шахснинг вакили, башарти у шу юридик шахснинг раҳбари ҳисобланмаса, ташкилот раҳбарининг ёки ўзга ваколатли вакилининг имзоси билан тасдиқланган ва ушбу юридик шахснинг мухри билан шаҳодатланган, унинг номига берилган ишончнома мавжуд бўлса акциядорларнинг умумий йиғилишида иштирок этиши мумкин.

32. Агар Банкнинг акцияси бир нечта шахснинг умумий улушли мулкида бўлса, акциядорларнинг умумий йиғилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

33. Акциядорларнинг умумий йиғилишини ўтказиш учун шакллантирилган Банк акциядорлари реестрига мувофиқ, мазкур Низомга 1-иловада келтирилган шакл бўйича қайд рўйхати тузилади. Қайд рўйхати рақамланган, тикилган ва Банк мухри билан тасдиқланган бўлиши лозим.

34. Умумий йиғилишни ўтказишида акциядорлар (уларнинг вакиллари) қайд рўйхатида имзо чекадилар ва ҳар бир акциядорга тегишли ва Банк акциядорлари реестри маълумотлари бўйича аниқланган овоз берувчи акциялар миқдоридан келиб чиқиб, овоз бериш учун бюллетенлар тўпламини оладилар (бюллетенинг наъмунавий шакли 2-иловада келтирилади).

35. Агар йиғилиш иштирокчиси бир ёки бир нечта акциядорнинг манфаатларини ифодалаш учун ишончнома тақдим этса, унга ўзи вакиллик қилаётган акциядор(лар) учун бюллетенлар берилади, қайд рўйхатида эса ваколатини топширган ҳар бир акциядорнинг фамилияисни тўғрисида: «\_\_\_\_\_ (миқдор) овоз берувчи акциялар бўйича 20\_\_ йил «\_\_\_»\_\_\_\_\_ даги \_\_\_ - сонли ишончнома бўйича» ёзув киритилади ва вакилнинг фамилияси, исми, отасининг исми кўрсатилади.

#### **IV. АКЦИЯДОРЛАРНИНГ УМУМИЙ ЙИҒИЛИШИНИ ЎТКАЗИШГА ТАЙЁРГАРЛИК**

36. Банк ҳар йили, аммо молия йили тугаганидан кейин олти ойдан кечиктирмасдан акциядорларнинг йиллик умумий йиғилишини ўтказиши шарт. Акциядорларнинг йиллик умумий йиғилишини ўтказиши санаси қонунчиликда белгиланган тартибда Банк Кузатув кенгаши томонидан белгиланади. Одатда акциядорларнинг йиллик умумий йиғилиши Банк Кузатув кенгаши томонидан йиғилиш ўтказишнинг бошқа санаси белгиланмаган тақдирда, 1 июнда ўтказилади.

Акциядорларнинг йиллик умумий йиғилишида Банкнинг Кузатув кенгашини сайлаш тўғрисидаги, Бошқарув раиси билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, мазкур Низомнинг 7 банднинг 11 ва 12 кичик бандларида назарда тутилган масалалар, шунингдек, Банк бошқаруви ва Кузатув кенгашининг Банкни ривожлантириш стратегиясига эришиш бўйича қўрилаётган чора-тадбирлар тўғрисидаги ҳисботлари ва қонунчилик ва уставга мувофиқ бошқа хужжатлар кўриб чиқилади.

Акциядорларнинг йиллик умумий йиғилишида кўриб чиқиладиган Банк Бошқаруви ва Кузатув кенгаши ҳисботлари маъруза кўринишида тақдим этилади ва Банк томонидан ҳисбот йилида эришилган натижаларнинг таҳлилини, Банк олдида қўйилган мақсадларга етишга тўсқилник қилаётган омилларнинг таҳлилини, шунингдек, Банк ривожланишининг тасдиқланган стратегиясига етиш учун кўрилган чора-тадбирларни ҳамда корпоратив бошқарув нормаларига риоя қилишнинг таҳлилини ўз ичига олади.

37. Акциядорларнинг умумий йиғилишини ўтказишга тайёргарликни Банк Кузатув кенгаши, Конунда назарда тутилган ҳолатларда эса акциядорларнинг йиллик умумий йиғилишини чақиртиришга ҳақли шахслар амалга ошириб, қуидагиларни белгилайдилар:

- акциядорларнинг умумий йиғилиши ўтказиладиган сана, жой ва вақт;
- акциядорлар умумий йиғилишининг кун тартиби;
- акциядорлар умумий йиғилишини ўтказиш учун Банк акциядорлари реестри шакллантириладиган сана;
- акциядорлар умумий йиғилиши ўтказилиши тўғрисида акциядорларга хабар бериш тартиби;
- акциядорлар умумий йиғилишини ўтказишга тайёргарлик кўриш пайтида акциядорларга тақдим этиладиган ахборот (материаллар) рўйхати;
- овоз бериш бюллетенининг шакли ва матни.

38. Акциядорларнинг умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан йигирма бир кундан кам ва ўттиз кундан кўп этиб белгиланиши мумкин эмас.

39. Аниқ масала қўйилишини акс эттирмайдиган таърифларнинг (шу жумладан, «турли масалалар», «бошқа масалалар», «ўзга масалалар» ва шу сингари таърифларнинг) акциядорларнинг умумий йиғилиши кун тартибига киритилишига йўл қўйилмайди.

40. Банк акциядорлари умумий йиғилиши кун тартибига киритиш учун таклифлар 1 апрелгача Банкни овоз берувчи акцияларининг камида бир фоизига эгалик қилувчи акциядорлар тарафидан юборилади (3-иловада келтирилган шакл бўйича). Бу ҳолда ушбу акцидорлар Банк Кузатув кенгашига ушбу органларнинг микдорий таркибидан ортиқ бўлмаган сонда номзодларни таклиф этишлари мумкин. Банк Кузатув кенгаши аъзолигига номзодларни таклиф этишда акциядорлар Кузатув кенгаши мустақил аъзоларни киритишда қонунчилик талабларига амал қилишлари лозим.

41. Акциядорлар (акциядор) Банк Кузатув кенгаши га ўзлари кўрсатган номзодлар рўйхатига акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

42. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорнинг (акциядорларнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади.

43. Банк Кузатув кенгашига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод Банк акциядори бўлса), шунингдек номзодни кўрсатаётган

акциядорларнинг исми-шарифи (номи), уларга тегишли акцияларнинг сони ва тури қўрсатилади.

44. Банк Кузатув кенгаши тушган таклифларни кўриб чиқиши ҳамда мазкур Низомнинг 40-бандида белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳакида қарор қабул қилиши шарт.

45. Акциядор (акциядорлар) томонидан киритилган масала акциядорлар умумий йиғилишининг кун тартибига, худди шунингдек қўрсатилган номзодлар Банкнинг Кузатув кенгашига сайлов бўйича овоз бериш учун номзодлар рўйхатига киритилиши керак, қуйидаги ҳоллар бундан мустасно:

- мазкур Низомнинг 40-бандида белгиланган муддатга акциядор (акциядорлар) томонидан риоя этилмаган бўлса;

- акциядор (акциядорлар) Банкнинг мазкур Низомнинг 40-бандида назарда тутилган миқдордаги овоз берувчи акцияларининг эгаси бўлмаса;

- таклифда баён этилган маълумотлар тўлиқ бўлмаса;
- таклифлар Қонун талабларига мувофиқ бўлмаса.

46. Банк Кузатув кенгашининг масалани акциядорлар умумий йиғилишининг кун тартибига ёки номзодни Банк Кузатув кенгашига сайлов бўйича овоз бериш учун номзодлар рўйхатига киритиш ёки киритишни рад этиш тўғрисидаги асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

47. Банк Кузатув кенгашининг масалани акциядорлар умумий йиғилишининг кун тартибига ёки номзодни Банк Кузатув кенгашига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

48. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоги билан ўттиз кун олдин Корпоратив ахборот ягона порталида, Банкнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади (хабарноманинг намунавий шакли 4-иловада келтирилган).

49. Акциядорларнинг умумий йиғилишини ўтказиш тўғрисидаги хабарда қуйидагилар қўрсатилиши керак:

- Банкнинг номи, жойлашган ери (почта манзили) ва электрон почта манзили;
- умумий йиғилиш ўтказиладиган сана, вақт ва жой;

- Банк акциядорларининг реестри шакллантириладиган сана;
  - акциядорларнинг умумий йиғилиш кун тартибига киритилган масалалар;
  - умумий йиғилишни ўтказишга тайёргарлик кўрилаётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби;
- акциядорларнинг умумий йиғилишида иштирок этиш ва овоз бериш, шу жумладан ахборот-коммуникация технологияларидан фойдаланган ҳолда масофадан туриб иштирок этиш ва овоз бериш тартиби.

50. Агар Банк акциядорлари реестрида рўйхатга олинган шахс акцияларнинг номинал сақловчиси ҳисобланса, умумий йиғилиш ўтказилиши тўғрисидаги хабарнома акцияларнинг номинал сақловчисига юборилади. Акцияларнинг номинал сақловчиси қонунчиликда ёки мижоз билан тузилган шартномада белгиланган тартиб ва муддатда бу ҳақда ўз мижозларини хабардор қилиши лозим.

51. Акциядорларнинг умумий йиғилишини ўтказишга тайёргарлик кўрилаётганда акциядорларга ва давлат вакилига тақдим этилиши лозим бўлган ахборотга (материалларга) Банкнинг йиллик ҳисботи, Банкнинг йиллик молия-хўжалик фаолиятини текшириш натижалари юзасидан Банк аудиторлик ташкилотининг хulosаси, Банк Кузатув кенгашининг Банк Бошқаруви раиси билан тузилган шартноманинг амал қилиш муддатини узайтириш, шартномани қайта тузиш ёки бекор қилиш мумкинлиги тўғрисидаги хulosаси, шунингдек Банк Кузатув кенгashi аъзолигига номзодлар тўғрисидаги маълумотлар, Банкнинг уставига киритиладиган ўзгартиш ва қўшимчалар лойиҳаси ёки Банкнинг янги таҳрирдаги устави, акциядорларнинг умумий йиғилишининг кун тартибига оид Банк Кузатув кенгашининг позицияси ва акциядорларнинг умумий йигилишини чақириш тўғрисидаги кенгаш қарорида белгиланган бошқа ахборот, материаллар киради.

Акциядорларга берилиши лозим бўлган ахборотдан (материаллардан) акциядорларнинг умумий йиғилишида иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар акциядорларнинг умумий йиғилиши ўтказилгунига қадар ва уни ўтказиш вақтида фойдалана олиш имкониятига эга бўлиши керак.

52. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

53. Овоз бериш бюллетенларининг шакли ва матни Банк Кузатув кенгаши томонидан тасдиқланади, акциядорларнинг навбатдан ташқари умумий йиғилиши Банк Кузатув кенгаши томонидан чақирилмаган ҳоллар бундан мустасно. Овоз бериш бюллетени умумий йиғилишда иштирок этиш учун рўйхатдан ўтган акциядорга (унинг вакилига) берилади.

54. Овоз бериш бюллетенида: Банкнинг тўлиқ фирма номи, акциядорлар умумий йиғилишини ўтказиш санаси, вақти ва жойи, овоз беришга қўйилган ҳар бир масаланинг таърифи ва уни кўриб чиқиш навбати, овоз беришга қўйилган ҳар бир масала бўйича «ёқлайман», «қаршиман» ёки «бетарафман» деган мазмундаги сўзлар билан ифодаланган овоз бериш вариантлари кўрсатилган бўлиши (бундан овоз беришга қўйилган масалага «ёқлайман» деган мазмундаги сўз билан ифодаланадиган кумулятив овоз бериш мустасно), овоз бериш бюллетени акциядор (унинг вакили) томонидан имзоланиши лозимлиги тўғрисидаги кўрсатма бўлиши керак.

55. Банк Кузатув кенгаши аъзосини сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

## **V. АКЦИЯДОРЛАРНИНГ НАВБАТДАН ТАШҚАРИ УМУМИЙ ЙИҒИЛИШНИНІ ЎТКАЗИШГА ТАЙЁРГАРЛИК**

56. Акциядорларнинг навбатдан ташқари умумий йиғилиши Банк Кузатув кенгашининг қарорига кўра унинг ўз ташаббуси асосида, шунингдек ёзма талаб тақдим этилган санада Банк овоз берувчи акцияларининг камида беш фоизига эгалик қилувчи акциядорнинг (акциядорларнинг) ёзма талаби асосида ўтказилади (талабноманинг намунавий шакли 5-иловада келтирилган).

57. Акциядорларнинг навбатдан ташқари умумий йиғилишига тайёргарликни Кузатув кенгаш ёки қонунчиллик билан белгиланган ҳолларда акциядорларнинг умумий йиғилишини чақтираётган шахс мазкур Низомда белгиланган тартибда амалга оширади.

58. Акциядорларнинг навбатдан ташқари умумий йиғилиши Банк Кузатув кенгаши тарафидан, акциядорларнинг навбатдан ташқари умумий йиғилишини ўтказиш тўғрисидаги ёзма талаб тақдим этилган санада Банкни овоз берувчи акцияларининг камида беш фоизига эгалик қилаётган акциядор (акциядорлар)нинг ёзма талаби тақдим этилган пайтдан бошлаб ўттиз кундан кечиктирмасдан чақитириллади.

59. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак. Акциядорларнинг навбатдан ташқари умумий йиғилишини чақитириш Кузатув кенгаши аъзоларининг ваколатларини

муддатидан илгари тўхтатиш масаласига боғлиқ бўлса, бундай йиғилишни чақиртириш тўғрисидаги талабда Кузатув кенгаши аъзоларининг ваколатларини муддатидан илгари тўхтатиш масаласидан ташқари кун тартибига Кузатув кенгашнинг янги таркибини сайлаш масаласини киритиш тўғрисида таклифлар бўлиши лозим.

60. Банк Кузатув кенгаши Банк овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидаги масалаларнинг таърифига ўзгартишлар киритишга ҳақли эмас.

61. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиқсан тақдирда, бу талабда умумий йиғилишни чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

62. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

63. Банк овоз берувчи акцияларининг камидаги беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичида Банк Кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишни чақиришни рад этиш ҳақида қарор қабул қилиши керак.

64. Банк овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қўйидаги ҳолларда қабул қилиниши мумкин, агар:

- акциядорларнинг навбатдан ташқари умумий йиғилишини чақиришни талаб қилаётган акциядор (акциядорлар) талаб тақдим этилган санада Банк овоз берувчи акцияларининг беш фоизига эгалик қилмаса;

- кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;

- кун тартибига киритиш учун таклиф этилган масала «Акциядорлик жамиятлари ва акциядорларнинг ҳукуқларини ҳимоя қилиш тўғрисида»ги Конун талабларига мувоғиқ бўлмаса.

65. Банк Кузатув кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки бундай йиғилишни чақиришни рад этиш ҳақидаги асослантирилган қарори йиғилиш чақиришни талаб қилган шахсларга қарор қабул қилинган пайтдан эътиборан уч иш кунидан кечиктирмай юборилади.

66. Банк Кузатув кенгашининг акциядорларнинг навбатдан ташқари умумий йиғилишини чақиришни рад этиш тұғрисидаги қарори устидан судга шикоят қилиниши мүмкін.

67. Банк Кузатув кенгаши ўн кунлик муддат ичида акциядорларнинг навбатдан ташқари умумий йиғилишини чақириш тұғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мүмкін. Бундай ҳолларда акциядорларнинг умумий йиғилишига тайёргарлик күриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра Банкнинг маблағлари ҳисобидан қопланиши мүмкін.

## VI. УМУМИЙ ЙИҒИЛИШ КВОРУМИ

68. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда Банкнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади. Видеоконференцалоқа ва электрон рақамли имзо билан шаҳодатланган бюллетенларни тақдим этиш воситасида акциядорларнинг умумий йиғилишида иштирок этаётган акциядорлар кворумни ҳисоблашда ҳисобга олинадилар.

69. Акциядорларнинг умумий йиғиишни ўтказишнинг белгиланган вақтида кворум бўлмаса, акциядорларнинг тақорорий умумий йиғилишини ўтказиш санаси эълон қилинади. Акциядорларнинг тақорорий умумий йиғилишини ўтказишда кун тартибини ўзгартиришга йўл қўйилмайди.

70. Кворум бўлмаганлиги сабабли акциядорларнинг умумий йиғилишини ўтказиш санаси йигирма кундан кам муддатга кўчирилган тақдирда, умумий йиғилишда иштирок этиш ҳукуқига эга бўлган акциядорлар ўтказилмай қолган умумий йиғилишда иштирок этиш ҳукуқига эга бўлган акциядорларнинг реестрига мувофиқ аниқланади.

71. Агар акциядорларнинг ўтказилмай қолган йиғилиши ўрнига чақирилган тақорорий умумий йиғилишида иштирок этиш учун рўйхатдан ўтказиш тугалланган пайтда Банкнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг тақорорий умумий йиғилиши ваколатли бўлади.

72. Акциядорларнинг тақорорий умумий йиғилишини ўтказиш тұғрисида хабар қилиш мазкур Низомда белгиланган тартибда амалга оширилади.

## **VII. АКЦИЯДОРЛАРНИНГ УМУМИЙ ЙИҒИЛИШИ ИШЧИ ОРГАНЛАРИ**

73. Раис, саноқ комиссияси, котиб умумий йиғилишнинг ишчи органлари ҳисобланади.

74. Акциядорларнинг умумий йиғилишини Банк Кузатув кенгашиниң раиси, у узрли сабабларга кўра бўлмаган ҳолда эса Банк Кузатув кенгаши аъзоларидан бири олиб боради.

75. Умумий йиғилиш раиси йиғилиш боришига раҳбарлик қилади, умумий йиғилиш ишчи органларининг ҳатти-харакатларини мувофиқлаштиради, масалаларни муҳокама қилиш тартибини белгилайди, маъruzачиларнинг чиқиш вақтини чеклайди, йиғилиш бориши ва овоз бериш мобайнида тушунтиришлар беради, йиғилишда тартиб мавжудлигини назорат қилади.

76. Овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бўюллетенларини тарқатиш учун Банк Кузатув кенгаши томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади.

Бу ҳолда саноқ комиссиясига амалий кўмак бериш ёки унинг вазифаларини бажариш учун Банк Кузатув кенгаши қарори билан мустақил эксперталар жалб қилиниши мумкин.

77. Саноқ комиссиясининг таркиби камидан уч кишидан иборат бўлиши керак. Саноқ комиссияси таркибига Банк Кузатув кенгашиниң аъзолари, Банк бошқаруви раиси ва аъзолари, шунингдек ана шу лавозимларга номзоди кўрсатилган шахслар кириши мумкин эмас.

78. Ўзига юклатилган мажбуриятлар доирасида саноқ комиссияси йиғилишнинг мустақил ишчи органи ҳисобланиб, унинг миқдорий ва шахсий таркиби Кузатув кенгаши таклифига кўра акциядорлар умумий йиғилиши тарафидан тасдиқланади.

79. Саноқ комиссияси ваколатининг муддати уни тасдиқлаш тўғрисидаги Банк акциядорларнинг умумий йиғилишининг қарори билан белгиланади ва уни акциядорлар умумий кенгаши тарафидан пайтдан бошлаб ҳисобланади.

80. Саноқ комиссияси таркиби тасдиқланганидан сўнг саноқ комиссиясининг қарори билан саноқ комиссияси раиси сайланиб, йиғилишда комиссиянинг мувофиқлаштириш ишини амалга оширади.

81. Акциядорларнинг умумий йиғилишини ўтказишга тайёргарлик пайтида саноқ комиссияси Кузатув кенгаши топшириғига кўра қўйидаги вазифаларни бажаради:

- акциядорларнинг умумий йиғилишида иштирок этишга хақли акциядорларнинг рўйхатини тузади;

- овоз бериш бюллетенларни ва умумий йиғилишнинг бошқа материалларини беради, берилган бюллетенларнинг ҳисобини юритади.

82. Акциядорларнинг бурунги умумий йиғилиши томонидан сайланган саноқ комиссияси акциядорларнинг умумий йиғилишида қўйидаги вазифаларни амалга оширади:

- умумий йиғилишда иштирок этиш учун акциядорларни (уларнинг вакилларини) рўйхатга олади;

- ишончномаларни ва улар тақдим этадиган ваколатлар ҳисобини юритади;

- овоз бериш бюллетенларини ва умумий йиғилишнинг бошқа ахбороти (материалларини) беради;

- акциядорларнинг умумий йиғилишида кворум мавжудлигини аниқлайди.

83. Ўтаётган акциядорларнинг умумий йиғилишида таркиби тасдиқанган саноқ комиссияси:

- акциядорлар (уларнинг вакиллари) томонидан умумий йиғилишда овоз бериш хуқуқини амалга оширишда юзага келган саволларни тушунтиради;

- овоз беришга қўйилган масалалар бўйича овоз бериш тартибини тушунтиради;

- овоз беришнинг белгиланган тартибини ва акциядорларнинг овоз беришда иштирок этиш хуқуқини таъминлайди;

- овозларни ҳисоблайди ва овоз бериш якунларини чиқаради;

- овоз бериш якунлари тўғрисида баённома тузади;

- овоз бериш бюллетенларини архивга топширади.

84. Овоз бериш якунлари бўйича саноқ комиссияси шу комиссия аъзолари томонидан имзоланадиган баённома тузади, шу жумладан, акциядорларнинг умумий йиғилишида кворум бор ёки йўқлиги тўғрисида маълумотни ўз ичига олади. Овоз бериш якунлари бўйича саноқ комиссиясининг баённомаси акциядорларнинг умумий йиғилишининг баённомасига тиркалиши лозим. Овоз бериш якунлари овоз бериш ўтказилган акциядорларнинг умумий йиғилишида эълон қилиниб, шунингдек, овоз бериш якунлари тўғрисида ҳисботни чоп этиш йўли билан акциядорларнинг умумий йиғилиши ёпилганидан сўнг акциядорлар эътиборига етказилади.

85. Хар бир йиғилишда баённома юритилиши учун акциядорларнинг умумий йиғилиши тарафидан йиғилиш котиби сайланади.

86. Умумий йиғилиш котиби:

- йиғилиш кун тартиби масалаларини мұхокама қилишда иштирек этишни истаганларни ёзма аризалар бүйича рўйхатини юритади;

- акциядорларнинг умумий йиғилиши ёпилганидан сўнг ўн кундан кечиктирмасдан икки нусхада акциядорларнинг умумий йиғилишининг баённомасини тузади.

### **VIII. УМУМИЙ ЙИҒИЛИШНИ ОЛИБ БОРИШ ТАРТИБИ**

87. Акциядорларнинг умумий йиғилишини олиб бориш тартиби акциядорларнинг ҳар бир умумий йиғилишида мазкур Низомга мувофиқ тасдиқланади.

88. Акциядорларнинг умумий йиғилишининг Раиси умумий йиғилиш котибини, шунингдек, зарурат бўлса, саноқ комиссиясининг янги тартибини сайлашни таклиф қиласи, сўнг йиғилишнинг кун тартиби эълон қилинади.

89. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

90. Умумий йиғилишни олиб бориш тартиби йиғилиш ишини бошлаш ва тахминий тугатиш вақтини, чиқишлиар ва танаффуслар давомийлигини, кун тартибидаги масалалар бўйича маъruzачиларнинг фамилияси ва лаввозимини, овоз беришни амалга ошириш ва унинг натижаларини эълон қилиш тартибини назарда тутади.

91. Йиғилиш чоғида юзага келадиган жорий масалаларни умумий йиғилиш раиси яккабошчилик тартибида, мұхокама этилаётган масала бўйича акциядорларнинг умумий йиғилишида ҳар бир иштирокчи берилган вақт чегарасида чиқиш қилишга ҳақли, деган асосий тамойилдан келиб чиқиб ҳал қиласи. Бундан ташқари, акциядорлар умумий йиғилишининг Раиси, акциядорларнинг умумий йиғилишини аудио-видеога ёзиб олинишига ва уни Интернет тармоғига трансляция қилинишига рухсат беришга вқаколатлидир.

92. Кун тартиби масалаларини мұхокамасида иштирек этишни ҳоҳловчилар мұхокама учун масалани кўрсатган ҳолда умумий йиғилиш котибига ёзма буюртма топширадилар.

93. Кун тартибидаги барча масалалар мұхокама қилинганидан сўнг раис акциядорларнинг умумий йиғилишини ёпик деб эълон қиласи.

### **IX. АКЦИЯДОРЛАРНИНГ УМУМИЙ ЙИҒИЛИШ БАЁННОМАСИ**

94. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

95. Акциядорлар умумий йиғилишининг баённомасида:

- акциядорларнинг умумий йиғилиши ўтказилган сана, вақт ва жой;
- Банкнинг овоз берувчи акциялариға эгалик қилувчи акциядорлар эга бўлган овозларнинг умумий сони;
- умумий йиғилишда иштирок этган акциядорлар эга бўлган овозларнинг сони;
- умумий йиғилишнинг раиси (раёсати) ва котиби, йиғилиш кун тартиби;
- маъruzаларнинг асосий мазмунни, овозга қўйилган масалалар, улар бўйича овоз бериш натижалари ва умумий йиғилиш тарафидан қабул қилинган қарорлар кўрсатилади.

96. Акциядорлар умумий йиғилишининг баённомаси имзоланганидан сўнг саноқ комиссияси Банк архивига йиғилиш хужжатларини, жумладан, умумий йиғилишнинг рўйхат таркибини, муҳрланган овоз бериш бюллетенларини, саноқ комиссияси аъзолари томонидан имзоланган овоз бериш бюллетенларини ва акциядорлар умумий йиғилишининг баённомасини топширади.

## **X. АКЦИЯДОРЛАРНИНГ УМУМИЙ ЙИҒИЛИШ ҚАРОРЛАРИ БАЖАРИЛИШИ**

97. Агар йиғилиш қарорида ўзга тартиб кўрсатилмаган бўлса, акциядорлар умумий йиғилиши қарорлари бажарилиши устидан назоратни Банк Кузатув кенгаши амалга оширади.

98. Акциядорлар умумий йиғилиши томонидан қабул қилинган қарорлар, шунингдек овоз бериш якунлари акциядорларга:

- акциядорлар умумий йиғилиши тугашидан сўнг эълон қилиш;
- акциядорлар умумий йиғилиши баённомаси тузилганидан сўнг икки иш куни мобайнида муҳим факт тўғрисидаги хабарда ахборотни ошкор қилиш йўли билан етказилади.

99. Банк акциялари фонд биржаси листингига киритлган тақдирда Банк, шунингдек, фонд биржасининг расмий веб-сайтида тегишли ахборотни чоп этиши шарт.

100. Банк бошқаруви раиси акциядорлар умумий йиғилиши қарорлари бажарилишини ташкил қиласиди.

101. Акциядорлар умумий йиғилишининг қарорлари барча, ҳам умумий йиғилишда ҳозир бўлган, ҳам унда бўлмаган акциядорлар томонидан уларга алоқадор ва қонунчиликка зид бўлмаган қисмида бажарилиши мажбурий.

## **XI. КУЧГА КИРИШИ**

102. Мазкур Низом янги таҳрирдаги Банк устави Ўзбекистон Республикаси Марказий банкида рўйхатга олинган санадан бошлаб кучга киради.